

Tasiilami inunnik isumaginninnikkut pissutsit pitsanngorsarneqarnissaat qularnaarumallugu 2018-mut aningaasanut inatsisissamut atatillugu 2018-mi ukiunilu missingersuusiorfiusuni ukiumut 5 millioner koruuninik immikkoortitsisoqartarnissaa pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliniut ingerlanneqassaaq Kommuneqarfik Sermersooq qanimut ataqatigiissaa-reqatigalugu.

(Inatsisartunut ilaasortat, Randi Vestergaard Evaldsen aamma Justus Hansen, Demokratit)

Akissuteqaat

(Isumaginninnermut, Ilaqtariinnut, Naligiissitaanermut, Inatsisinillu Atuutsitsinnermut Naalakkersuisoq)

Siullermeerneqarnera

Tasiilami isumaginninnikkut immikkut ittumik suliaassanillu arlalinnut sammisunik suliniuteqarnissamut 5 mio. koruuninik immikkortitsisoqarnissaanik Randi Vestergaard Evaldsenip Justus Hansenillu siunnersuutaanut Naalakkersuisut qajapput.

Meeqqat inuusuttullu ineriartornerannik, atugarissaarnerannik namminersorsinnaassusianillu siuarsaataasunik peroriartorinikkut atugassarititanik pitsaasunik pilersitsinissaq kommunit akisuussaaffigaat soorlu tamanna Meeqqanik inuusuttunillu ikiorsiisarneq pillugu Inatsisartut peqqussutaani nr. 1, 15. april 2003-meersumi allassimasoq. Tamannattaq Tasiilami meeqqanut inuusuttunullu tunngatillugu Kommuneqarfik Sermersuumut atuuppoq.

Kommunit isumaginninnikkut unammillernartunik suliaqartarnerat Naalakkersuisunit ikorfartorneqartarpoq. Isumaginninnermut Aqutsisoqarfimmik pilersitsinikkut taamatut sullissisinaanissaq pitsanngorsaaffigineqarluni annertusarneqassaaq.

Soorlu aalajangiiffigisassatut siunnersuummi matumani saqqummersinneqartutut Tasiilami isumaginninnikkut suliniutinik arlalinnik Naalakkersuisut aallartitaqarsimapput. Suliniutit tamakku aqqutigalugit isumaginninnikkut pissutsit pitsanngorsarniarlugit Tasiilami anguniagaqartumik suliniummut tunngatillugu Naalakkersuisut aningaasaliissutit eqqarsaatigalugit pingaarnersiuereersimapput. Tamatuma saniatigut Tasiilami isumaginninnikkut unammilligassat kiisalu Tasiilami isumaginninnikkut unammilligassat suliarineqarnissaat pillugit suliniutit aallartinneqarsimasut pillugit Kommuneqarfik Sermersooq Isumaginninnermut, Ilaqtariinnut, Naligiissitaanermut, Inatsisinillu Atuutsitsinnermut Naalakkersuisoqarfimmit qanimut ingerlaavartumillu oqaloqatigineqartarpoq.

Tasiilami isumaginninnikkut annertoorujussuarneranik ajornartorsiuteqartoqarneranik tamakulu arlalinnut sammititanik Kommuneqarfik Sermersuup aamma Naalakkersuisut qanimut oqaloqatigiittarnerisigut suliniuteqarfigisariaqakkanik ajornartorsiuteqartoqarneranik siunnersuuteqartut saqqummiussaqaarnerat Naalakkersuisunit isumaqatigineqarpoq. Tassunga tunngatillugu pingaartuuvoq erseqqissaatigissallugu Tasiilami isumaginninnikkut unammilligas-

sani amerlanerusunik atorfinitsitsisinnaanissamut aningaasassaalatsineq kisimi pineqanngimat aammali piffissami sivisunerusumi Tasiilami suliassanik kivitsisinnaasunik aalajaatsunik sulisussaaleqineq ajornartorsiutaammat.

Naalackersuisut isumaqarput maannakkuugallartoq aningaasanik amerlanerusunik immikkoortitsinngikkaluarluni Tasiilami isumaginninnikkut suliniutaareersut sunniutigisimasaasa misissuiviginissaat pissusissamisoortoq. Soorlu aalajangiiffigisassatut siunnersuummi oqaatigineqartutut Naalackersuisut Tasiilami isumaginninnikkut suliniutinik arlalinnik aallartitse-reersimapput, soorluttaaq Kommuneqarfik Sermersuumit Tasiilami isumaginninnikkut suliniutinik aallussisoqartoq.

Isumaginninnikkut unammilligassat eqqartorneqartillugit pingaaruteqarportaaq eqqaamassallugu isumaginninnikkut suliassat assigiinngitsorpasuumnik aallaaveqartarmata. Isumaginninnikkut suliassat pissutsinik allanik arlalinnik aallaaveqarsinnaasarpud. Tamatumani ilaatigut pineqarput suliffeqarnikkut, ilinniagaqarnikkut, ineqarnikkut pissutsit aammalu nalininnaasumik pinaveersaartitsiniarluni- katsorsaaniarlunilu suliniutit, taakkununga ilanngullugit atornerluinermut katsorsaasarneq. Taamaattumik Naalackersuisunit oqaatigissallugu pingaaruteqarpoq Tasiilami isumaginninnikkut suliniutaasut saniatigut suliniutinik allanik arlalinnillu suliniuteqartoqarmat suliniutinillu aallartitsisoqarnikummat. Tamatumani ilaatigut aalisarnerup tungaatigut suliniutit pineqarput, tassani Aalisarnermut Piniarnermullu Naalackersuisoqarfik aamma Kommuneqarfik Sermersooq marts 2017-imi suleqatigiinnissamik isumaqatigiissuteqarsimappud, tassuuna Tasiilami aalisarnermik inuussutissarsiuteqarnerup siuarsarneqarnissaa qulakkeerniarneqarluni. Tamatuma saniatigut Ilinniartitaanermut, Kulturimut, Iisimatusarnermut Ilageeqarnermullu Naalackersuisoqarfik Tasiilami ilinniarfiusinnaasumik aallartitsinissamut periarfissaasinnaasunik paasiniaalluni 2017-imi misissuinermik aallartitsiniarpoq, Naalackersuisut 2016-imit 2018-imum Naalackersuisooqatigiinnissamik isumaqatigiissutaat naapertorlugu. Ilutigalugu Ilinniartitaanermut, Kulturimut, Iisimatusarnermut Ilageeqarnermullu Naalackersuisoq Tasiilami suliniutissat assigiinngitsut oqartussaasoqarfiillu akimorlugit ingerlanneqartussat ataqatigiissaarneqartarnissaannut tunngaviusumik akisussaasuvoq. Suliniutit tamakku isumaginninneq eqqarsaatigaluguttaaq toqqaannartuunngikkaluartumik pitsaasumik sunniuteqarsinnaassappud.

Suliniutit tamarmik nalilersorneqartarnissaat pingaaruteqarpoq. Taamaattumik isumaginninnikkut suliniutissat pillugit siunnersuutigineqartumut tunngatillugu Naalackersuisut isumaqarput suliniutaareersut sunniutaat malinnaavigineqaqqaartariaqartut aammalu suliniutit sorliit pitsaasumik sunniuteqarnerisut misissoqqaassallugit pingaaruteqartoq. Taamaasiornikkut isumaginninnikkut suliniutit sorliit siunissaq isigalugu aallunneqartariaqarneri tunngaviusumik paasineqarsinnaalissappud aallartinneqareersimasullu saniatigut suliniutit allat nutaat aallunneqartariaqalersinnaaneri paasineqarsinnaalissalluni.

Taamatut oqaaseqarlunga Naalackersuisut sinnerlugit qulequtaq itigartipparput allannguutissatullu siunnersuut tullinnguuttoq saqqummiunniarlutigu:

”Naalackersuisut peqquneqassasut Inatsisartut 2018-imi Ukiakkut ataatsimiinneranni Tasiilami isumaginninnikkut suliniutit pillugit nassuiaammik saqqummiusseqqullugit. Nassuiaammi qulaajarneqassappud suliniutinit maannakkut ingerlanneqartut pitsaasumik

*pissusissamisoortumillu sunniuteqarsimangersut, kiisalu qulaajassallugu siunissami Tasiilami
inunnik isumaginninnerup tungaatigut suliniutit suut sulissutigineqaqqissanersut"*